

謚法通考

諸法通考卷之十二

雲間王 圻編輯

巴郡趙可懷校正

平湖孫成泰 郢中朱

龍江王應麟 西陵吳

宋諸臣簽下

文淵閣直學士程利達點人謹莊節

殿文淵閣直學士撰舉太平宮陳良翰臨海人光宗時

修史局

龍圖學士王十朋樂清人光宗紹熙三年謚忠文

簽判建康府事陳亮永康人光宗時謚文毅

同知樞密院事贈資政殿學士胡晉臣蜀州人光宗時謚文靖

龍圖閣學士正議大夫贈銀青光祿大夫張大經南城人寧宗慶元中謚簡肅

觀文殿學士提舉洞霄宮贈少傅陳騭臨海人寧宗嘉泰二年謚文簡

龍圖閣直學士知泉州顏思魯龍溪人嘉泰中謚定

廟

荆湖南路兵馬副都監贈容川觀察使姚興相州人
與金亮戰而死開禧中追謚忠毅

少傅贈太師益國公周必大字子充一字弘道廬陵
人寧宗時謚文忠

必大嘗建三忠堂于鄉謂歐陽文忠脩楊忠襄
邦乂胡忠簡銓皆廬陵人也而必大卒獲文忠
之謚蓋符其素志云

寶謨閣待制贈直學士彭龜年清江人謚忠肅

章穎等請易名寧宗曰龜年忠鯁可嘉宜應得

謚使人如此必能納君無過之地

龍圖閣學士葉時仁和人寧宗時謚文康

吏部尚書彭方都昌人謚文定

叅知政事臨海侯應係昌國人嘉定中進士謚文敏

泰武軍節度使贈太尉鄭興裔開封人寧宗時謚忠

肅

端明殿學士簽書樞密院事贈太師羅點崇仁人寧

宗時謚文恭

直龍圖閣李祥無錫人嘉定元年謚肅簡

端明殿學士簽書樞密院事贈資政殿學士正奉大夫林大中永康人嘉定元年謚正惠

寧武軍節度使開府儀同三司衛國公贈少師趙雄資州人嘉定二年謚文定

禮部尚書正奉大夫贈金紫光祿大夫九袞無錫人嘉定五年謚文簡

資政殿學士知徽州提舉江州太平興國宮何鑄餘杭人初謚通惠嘉定初改謚恭敏

兵部侍郎知明州林栗福清人謚簡肅

端明殿學士鄭丙長樂人謚簡肅

左丞相贈太保京鏜南昌人寧宗時謚莊定

鏜初謚文穆其子請避家諱謚文忠御史段千里言楊億謚文欲加一忠字竟不與鏜那得謚忠乃改謚莊定

知樞密院事沈復德清人謚簡肅

龍圖閣學士兼江淮制置使楊輔遂寧人謚莊惠

資政殿大學士提舉萬壽觀贈少師樓鑰鄞縣人嘉

定六年謚宣獻

武信軍節度使贈太師畢再遇兗州人嘉定中謚忠毅

禮部尚書兼侍讀贈光祿大夫章穎臨江人嘉定中謚文肅

端明殿學士正議大夫贈太師趙方衡山人寧宗時

謚忠肅

靖

少師武安軍節度使贈太傅冀國公趙葵方子咸淳

二年謚忠靖

吏部侍郎知太平州孫逢吉龍泉人寧宗時謚獻簡
寶謨閣學士贈光祿大夫楊萬里吉水人寧宗時見
邊釁驟開知必誤國憤烈不食死謚文節

寶謨閣待制知隆興府徐誼平陽人寧宗時謚文忠
禮部尚書兼侍讀贈資政殿大學士黃裳劍浦人嘉
定中謚忠文

寶謨閣學士提舉嵩山崇福宮倪思歸安人嘉定十
三年謚文節

端明殿學士兼侍讀贈銀青光祿大夫薛叔似河東

人嘉定十四年始謚文節駁者謂功名富貴未免潔
意改謚恭翼

太師會稽郡王史浩鄞縣人寧宗初謚文惠嘉定十
四年追封越王改謚忠定

禮部侍郎史彌大浩長子理宗時謚獻文

太師左丞相兼樞密使保寧昭信軍節度使充醴泉
觀使贈中書令衛王史彌遠浩次子理宗時謚忠獻
資政殿學士光祿大夫史彌堅浩幼子理宗時謚忠
宣

觀文殿大學士贈少師安德軍節度使魯國公史嵩之彌遠姪理宗時謚莊肅

嵩之初謚忠簡以家諱改莊肅德祐初右正言徐直方劾嵩之不宜賜謚乃奪之

寶謨閣待制陳傳良瑞安寧宗時謚文節

寶謨閣學士通議大夫贈光祿大夫葉適永嘉人寧宗時謚忠定

宣奉大夫龍圖閣學士贈特進端明殿學士戴溪永嘉人寧宗時謚文端

知果州李道傳隆州人寧宗時謚文節

權兵部尚書兼太子詹事蔡幼學瑞安人寧宗時謚
文懿

沿江制置使兼知鄂州吳愈德安人謚文肅

刑部尚書吳革愈姪謚清惠

顯謨閣直學士提舉西京嵩山崇福宮華文閣學士
劉光祖簡州人嘉定十五年謚文節

少保贈太傅卹國公余端禮龍游人寧宗時謚忠肅
同知樞密院事贈太師丘密江陰人寧宗時謚忠定

少師觀文殿大學士贈太師魏國公留正永春人理
宗寶慶三年謚忠宣

工部侍郎贈少師魯漸南城人謚文莊

吏部侍郎聶子述南城人謚文定

秘閣修撰贈少師吳柔勝深水人理宗時謚正肅
利路提點刑獄中奉大夫游仲鴻南充人紹定五年
謚忠

右丞相兼樞密使南充公游似仲鴻子淳祐中謚清
憲

國子祭酒吏部尚書表甫鄞縣人熒之子理宗時謚
正肅

知慶元府兼沿海制置使贈中大夫寶章閣待制王
介金華人端平三年以郡守趙汝談請謚忠簡
刑部侍郎贈端明殿學士程振樂平人從車駕至金
營爲金人所殺端平初以曾孫東請謚剛愍

右文殿修撰柴中行餘干人謚憲肅

保寧軍節度使少傅贈少師安丙廣安人理宗時謚
忠定

立廟沔州額爲英惠

朝奉郎四川宣撫使司叅議官贈寶謨閣直學士大
中大夫楊巨源益昌人理宗時謚忠愍

巨源有誅吳曦功安丙殺之

權知大安軍贈朝奉大夫直寶謨閣楊震仲成都人
以不從吳曦叛而死理宗時謚節毅

中軍統制知西和州贈檢校少保李好義下邳人以
誅吳曦有功理宗時謚忠壯

工部侍郎家大酉眉山入謚文節

大酉不從吳曦之招理宗召用之

大理評事胡夢昱吉水人理宗時謚剛簡

校書郎葉賀孫龍泉人理宗時謚文修

敷文閣學士四川安撫制置使兼知成都府吳玠醴陵人理宗時謚文定

寶謨閣學士權四川制置使劉甲龍游人理宗時謚清惠

太常少卿王萬浦江人理宗時謚忠惠

兵部尚書黃伯固將樂人理宗時謚忠簡

寧遠節度使都總管贈太尉宋景陽貴州人謚忠成
寶謨閣待制徐邦憲義烏人理宗時謚文肅

光祿大夫觀文殿大學士贈少師李宗勉富陽人理
宗時謚文清

觀文殿大學士提舉洞霄宮南海郡公崔與之增城
人理宗時謚清獻

侍御史劉漢弼上虞人理宗時謚忠

右丞相贈少傅杜範黃巖人理宗時謚清獻

權工部侍郎兼國子祭酒張處慈谿人理宗時謚文

靖

寶章閣待制吳昌裔中江人理宗時謚忠肅

兵部尚書曹彥約都昌人嘉熙初謚文簡

成都府制置使丁黼石埭人嘉熙三年死節謚恭敏

叅知政事贈太師衛涇華亭人理宗時謚文節

刑部侍郎贈朝請大夫蔣重珍無錫人理宗時謚忠

文

檢校少師武寧軍節度使贈太師吉國公孟珙襄陽

人理宗時謚忠襄

司農少卿陳咸升卿次子理宗時謚勤節時牟子才上奏曰周制太史掌小喪賜謚小史掌卿大夫之喪賜謚讀誄夫曰賜曰讀出于有司之舉行明矣乃若公叔文子卒其子戍請謚者蓋春秋時周禮盡廢有司不知舉行舊典禮經故不免于戍之請然非成周初意也夫定于太常覆于考功集議于尚書省我國家禮亦宜之初何待于子若孫陳請耶竊見近年有官品人品俱不應謚者紛然祈請至委轉要官以必遂其志遂使國家節惠之典幾爲無用贅疣之物

其何以彰善癉惡激濁揚清哉臣愚欲望陛下推行
周制詔有司自今官品合該議謚及一節一行有
於國家法應節惠者有司並舉行之不必議本家陳
請使爲惡者無所遷避以伸國家懲惡之公而使庸
碌無聞之人知所懲勸不敢妄有所陳以紊公朝褒
賢之典此非小補也

知國和州贈文華閣待制陳寅成子元兵至力不能
支與妻同死理宗時謚襄節

左丞相兼樞密使贈少師東陽郡公范鍾蘭谿人嘉

熙中謚文肅

秘書郎兼考功郎贈直龍圖閣魯三聘新淦人嘉熙間謚忠節

知信州贈特進陶崇全州人理宗時謚文肅

吏部侍郎鄧珣一名珣建昌人謚清惠

太傅保定軍節度使齊國公贈尚書令魏郡王鄭清之鄞縣人理宗時謚忠定

觀文殿大學士判福州福建路安撫大使贈太子少

師許國公董槐定遠人理宗時謚文清

嘉熙三年

叅知政事觀文殿大學士贈太師信國公葛洪東陽人理宗時謚端憲

金紫光祿大夫馬光祖金華人理宗時謚荊敏

少師保寧軍節度使醴泉觀使贈太師魯國公喬行簡東陽人淳祐中謚文惠

權禮部侍郎兼權刑部侍郎贈太師崇國公張九成錢塘人理宗時追謚文忠

觀文殿大學士贈太師宣縉鄞人理宗時謚忠靖

觀文殿學士贈太師奉化郡公余天錫昌國人理宗

時謚忠惠

簽書樞密院事資政殿學士知慶元府兼沿海制置使提舉洞霄宮贈少保鄒應龍泰寧人淳祐中謚文靖

吏部侍郎李昴英番禺人理宗時謚忠簡

知臨江軍贈寶章閣待制陳元桂撫州人開慶初元

兵陷臨江軍桂叱罵遇害謚正節

漢李牧

知樞密院事福建安撫大使兼知福州提舉佑神觀贈少師陳韓侯官人景定二年謚忠肅

煥章閣學士徐應龍浦城人理宗時謚文廟

資政殿學士提舉洞霄宮徐榮叟應龍子謚文清

知樞密院兼叅知政事提舉佑神觀贈少師晉寧縣

公徐清叟應龍次子景定中謚忠簡

端明殿學士提舉洞霄宮蔡汝

時謚文廟

抗初謚文簡以犯祖諱更謚

直秘閣趙蕃鄭州人景定中謚文節

寶謨閣待制徐僑義烏人理宗時謚文清

禮部侍郎徐鹿卿豐城人理宗時謚清正

端明殿學士贈正議大夫洪天錫晉江人理宗時謚

文毅

工部侍郎徐元杰上饒人理宗時謚忠愍

杰論嵩之不可起復一日忽暴疾卒時以爲中

毒

叙州守贈武節大夫眉州防禦使楊大全元兵入蜀

戰死謚愍忠

通判海州侯呂樂清人理宗時與賊李松壽力戰而

死謚節毅

少傅追封衛王謝深甫台州人理宗后祖父理宗時
追謚惠正

端明殿學士知平江府贈開府儀同三司豫章郡公
李大性四會人理宗時謚文惠

端明殿學士簽書樞密院事兼權叅知政事提舉洞
霄宮少師任希夷邵武人理宗時謚宣獻

權知沔州贈龍圖閣學士曹友聞栗亭人理宗時死
于蜀雞冠謚節

本紀
卷八

直秘閣知沔利二州提點刑獄贈正議大夫龍圖閣直學士高稼蒲江人理宗時死節謚忠

端明殿學士陳壇崇德人咸淳中謚清毅

簽書樞密院事陳卓咸寧人度宗時以孫定孫請謚

清敏 寧波府志作鄞人

池州通判兼文華閣待制趙昂發昌州人咸淳中謚

文節

據本縣志

待衛馬軍司統制贈靜江軍節度使牛富霍丘人度

宗時樊城陷死之謚忠烈

顯文閣待制提舉玉隆萬壽宮贈中奉大夫趙景緯
於潛人度宗時謚文安

時太常博士陳埴亢直不阿獨爲袁燮議謚餘皆閣
筆歎曰幽厲雖百世不改謚有美惡豈諛墓比哉會
朱端常子乞謚埴曰端常居臺諫則逐善類爲藩牧
則務刻剝宜得惡謚以戒後來乃謚曰榮愿議出宰
相而下皆肅然改容又衛涇繳裴良士乞父謚奏曰
臣聞傳曰惟名與器不可以與人禮曰謚以尊名君
子耻名之浮于行蓋士大夫竭忠盡節于國家者生

則有爵祿以榮其身沒則有褒謚以傳于世所以示
激勸之公非以殉人情之私也裴希稷者臣不知其
何如人徒聞以貲起家甲于京邑中興記錄無所登
載據其子良士陳述不過泛舉制詞數語便謂曾有
戰功又稱嘗蒙高宗皇帝召到詢及邊事敷陳韜畧
一無實跡可考不惟法不該謚且不知所以易其名
者又輒引姚興爲比興死節著在國史已經贈官立
廟昨因趙善堅論奏再與賜謚希稷可謂擬非其倫
兼朝廷比年以來褒表忠義如岳飛劉光世等追贈

中外有志功名之士聞風興起誠以義理人心
所同固易于感發也今若以裴希稷比姚興例得謚
與鶩驢同槽薰蕕共器凡前所以褒表之意人反得
而輕視之矣事體所繫顧不重歟伏望聖慈將裴希
稷賜謚指揮以寢罷庶協公論在臣守官之義得
以少安不勝幸甚

知饒州府事文閣待制唐震會稽人度宗時不屈於
元而死謚忠介

簽書樞密院事贈資政殿學士少保南城郡侯包恢

建昌南城人度宗時謚文肅

權叅知政事贈開府儀同三司盱江侯陳宗禮南豐人度宗時謚文定

左丞相兼樞密使湖南安撫大使特進贈太師益國

公江萬里都昌人咸淳九年死節謚文忠

端明殿學士贈正奉大夫湯漢安仁人度宗時謚文

清

龍圖閣待制贈少師辛棄疾歷城人德祐初以謝枋

侍請謚忠敬

守潭州兼湖南按撫使贈端明殿大學士李芾衡州人德祐時謚忠節

衡陽知縣贈敷文閣學士陳繼周寧都人德祐時欲與文天祥與復力屈而死謚忠節

御史方大琮莆田人謚忠惠

吏部侍郎江西安撫使汪大猷鄞縣人謚莊靖

樞密副使孫禹會稽人謚忠敏

知光化軍游九言建陽人謚文清

徵猷閣待制曹叔遠瑞安人紹熙初進士謚文肅

寶章閣待制曹鹵叔遠族子嘉泰初進士謚文恭
大理少卿范應鈴豐城人開禧初進士謚清敏
端明殿學士豐城伯徐經孫豐城人寶慶初進士謚
文惠

西夏僞謚

李繼遷德明時追上尊號曰應運法天神智仁聖至
道光德孝光皇帝廟號武宗元昊時追謚神武廟號
太祖 配野利氏謚順成懿孝皇后

李德明繼遷子追謚光聖皇帝廟號太宗 配衛慕

氏謚惠慈敦愛皇后

李元昊德明子謚武烈皇帝廟號景宗 配沒藏氏

謚宣穆惠文皇后 野力氏謚憲成皇后

李諒祚元昊子謚昭英皇帝廟號毅宗 配梁氏謚

恭肅章憲皇后

李秉常諒祚子謚康靖皇帝廟號惠宗 配梁氏謚

昭簡文穆皇后

李乾順秉常子謚聖文皇帝廟號崇宗 配曹氏

李仁孝乾順子謚聖德皇帝廟號仁宗 配羅氏謚

章憲欽慈皇后

李純祐仁孝子謚昭簡皇帝廟號桓宗

李安全乾順孫越王仁友子廢純祐自立謚敬穆皇帝廟號襄宗

李遵頊宗室子謚英文皇帝廟號神宗

李德旺遵頊孫無謚廟號獻宗

遼帝后謚

肅宗姓耶律氏謚昭烈皇帝 后蕭氏謚昭烈皇后

懿祖謚莊敬皇帝 后蕭氏謚莊敬皇后 二祖二

后俱乾統三年追謚

太祖謚簡獻皇帝

后蕭氏謚簡獻皇后

德祖謚宣簡皇帝

后蕭氏謚宣簡皇后

二祖二

后俱重熙二十一年追謚

太祖名億字阿保機德祖長子謚大聖大明神烈天

皇帝

后述律氏初謚貞烈重熙二十一年改謚淳

懿

太宗名德光太祖次子謚孝武惠文皇帝 后蕭氏

初謚彰德重熙二十一年改謚靖安

世宗名阮懷國皇帝長子謚孝和莊獻皇帝 后蕭

氏初謚孝烈重熙二十一年改謚懷節

穆宗名璟太宗長子爲近侍所弑謚孝安敬正皇帝

后蕭氏無謚

景宗名賢世宗第二子謚孝成康靖皇帝 后蕭氏

初謚仁聖宣獻皇后重熙二十一年改謚睿智

聖宗名隆緒景宗長子謚文武大孝宣皇帝 后蕭

氏謚仁德 又蕭氏謚欽哀

興宗名宗真聖宗子謚仁聖孝章皇帝 后蕭氏謚

仁懿

道宗名隆基興宗長子謚仁聖大孝文皇帝 后蕭氏謚宣懿

天祚帝諱延禧道宗之孫國亡并二后二妃俱無謚
道宗太子溥謚昭懷乾統初追尊大孝順聖皇帝廟
號順宗 妃蕭氏謚貞順皇后 按天祚時有興宗
第四孫耶律淳自立偽謚孝章皇帝廟號宣宗有耶
律大石太祖之孫亦自立世號爲西遼尊號天祐皇
帝追謚祖父爲嗣元皇帝祖母爲宣義皇后冊元妃

蕭氏爲昭德皇后沒後廟號德宗子夷列嗣母后攝
國政號感天皇后沒後號仁宗子幼以妹普速完權
國號承天太后普速完傳仁宗次子直魯古爲乃蠻
王屈出律所擒而遼絕

遼宗室謚

義宗名倍太祖長子以國讓弟德光太宗謚文武元
皇帝世宗統和中更謚文獻皇帝重熙二十一年增
謚文獻欽義皇帝 二后俱不知何氏一謚端順一
謚柔貞

李胡太祖第三子統和中追謚欽順皇帝重熙二十一年更謚章肅皇帝 后謚和敬

齊王贈皇太叔晷徽葛太宗子謚欽順

追冊皇太子吼阿不世宗第三子謚莊聖

齊王隆祐景宗子謚仁孝重熙間改謚孝靖

陳王阿璉初興宗子謚欽正

遼諸臣謚

大丞相贈尚書晉王耶律隆運幽州人興宗重熙中

謚文忠

隆運本姓韓名德讓匡嗣子統和中賜名德昌
又賜姓耶律名隆運

北院樞密使贈大丞相晉國王蕭孝穆淳欽皇后弟
重熙中謚貞

南京留守晉王蕭孝先孝穆弟重熙中謚忠肅

西南面招討使贈侍中捷不野孟父房後道宗時謚
貞閔

右丞相加尚父贈中書令杜防涿州人道宗清寧中
謚元肅

上京留守遼西郡王耶律良著帳郎君後咸雍中謚
忠成

上京留守太師遼西郡王姚景行興中人咸雍中謚
文憲

同知樞密院事兼南府宰相門下侍郎平章事贈中
書令趙徽南京人咸雍中謚文憲

南院樞密使韓國公耶律仲禧析津人咸雍中謚欽
惠

北院樞密使太師推誠贊治功臣混同郡王耶律幹

特刺許國王寅底石六世孫大安中謚敬肅

中京留守陳國公寶景庸中京人大安中謚肅憲

北府宰相贈司空楊遵勗范陽人大安中謚康懿

知樞密院事經邦佐運功臣贈尚父漆水郡王耶律

儼仲禧子天祚天慶中謚忠懿

北府宰相兼侍中蕭常哥國舅族天慶中謚欽肅

南院樞密使司徒兼侍中馬人望醫巫閭人天祚時

謚文獻

遼之臣賢而有功者亦多但賜謚者止此故據

史錄之其耶律姓者大抵宗室疏屬蕭姓者大抵外戚疎屬也

金帝后謚

始祖姓完顏氏諱普函天會十三年追謚景元皇統五年增謚獻景元皇帝 后不知何氏謚明懿

德祖名烏魯始祖子天會時追謚德皇統時增謚淵默玄德皇帝 后不知何氏謚思

安祖名跋海德祖子天會時追謚安皇統時增謚和靖慶安皇帝 后不知何氏謚節

獻祖名綏可安帝子天會時追謚定昭皇統時增謚
純烈定昭皇帝 后不知何氏謚恭靖

昭祖名石魯獻祖子天會時追謚成襄皇統時增謚
武惠成襄皇帝 后徒單氏謚威順

景祖名烏古昭祖子天會時追謚惠桓皇統時增謚
英烈惠桓皇帝 后唐括氏謚昭肅

世祖名劼里鉢景祖子謚神武聖肅皇帝 后挾懶
氏謚翼簡

高祖名頗次淑景祖第四子謚明睿穆憲皇帝 后

不知何氏謚宣靜

穆宗名盈哥景祖第五子謚章順孝平皇帝 后不知何氏謚貞惠

康宗名烏雅束世祖長子謚獻敏恭簡皇帝 后不知何氏謚敬僖

太祖名旻世祖第二子謚應乾興運昭德定功睿神
章孝仁明大聖武元皇帝 后唐括氏謚聖穆 裴
滿氏謚光懿 統石烈氏謚欽憲 烏古論氏謚宣

獻

太宗名晟世祖第四子謚體元應運世德昭功哲惠
仁聖文烈皇帝 后唐括氏謚欽仁

熙宗名亶太祖孫謚弘基續武莊靖孝成皇帝 后
裴滿氏謚悼平

初海陵廢帝爲東昏世宗卽位追復帝號謚武
靈廟號閔宗後改熙宗

海陵名亮遼王宗幹第二子後廢爲庶人謚煬 后
徒單氏無謚

世宗名烏祿太祖孫睿宗子謚光天興運文德武功

明仁孝皇帝

后烏林荅氏謚昭德章宗時改明

德

妃李氏衛紹王時追謚光獻皇后

章宗名璟顯宗子謚憲天光運仁文義武神聖英孝
皇帝 后蒲察氏謚欽懷

衛王名永濟世宗第七子謚紹 后徒單氏無謚

宣宗名珣顯宗長子謚繼天興統述道勤仁英武聖

孝皇帝 后王氏謚明惠

哀宗名守緒又名守速宣宗第三子自縊於蔡州

城末帝謚爲哀

熙宗太子濟安謚英悼

寧宗太子守忠謚莊獻

金宗室尊帝后謚

徽宗名宗峻太祖第二子熙宗之父熙宗卽位追謚

景宣后蒲察氏謚惠昭

睿宗名宗堯太祖第八子世宗之父謚立德顯仁啓

聖廣運文武簡肅皇帝后蒲察氏謚欽慈李氏

謚貞懿

顯宗名允恭世宗第二子章宗之父初謚宣孝太子

章宗卽位追謚體道弘仁英文睿德光孝皇帝○
徒單氏謚孝懿○劉氏謚昭聖○海陵父宗幹太廟
長子遼王也海陵卽位追謚憲古弘道文昭武烈章
孝睿明皇帝廟號德宗後海陵貶黜爲庶人猶稱明
廟皇帝太定二十二年皇太子允恭言宗幹不宜稱
帝乃復降遼王謚忠烈其母大氏謚慈憲皇后後亦
降

金宗室謚

同中書門下平章事贈開府儀同三司婆盧火安帝

五世孫天眷元年謚剛毅

行臺左丞相兼左副元帥金源郡王杲卽撒離喝安
帝六世孫大定三年謚莊襄

贈開府儀同三司金源郡王習不失昭祖孫大定三
年謚忠毅

左丞相兼都元帥宗誥昭祖四世孫昂子章宗時追
謚通敏

司空領左丞相南陽郡王襄昭祖五世孫泰和二年
謚武昭

贈虞府儀同三司隋國公阿離合懋景祖第八子大
定中謚剛憲

叅議國政鄭國公謨都訶景祖第九子明昌五年謚
定濟

贈金源郡王撒改景祖曾孫大定中謚忠毅

贈金紫光祿大夫謨都本景祖孫麻頗子天眷中謚
英毅

太保尚書令領三省事贈秦王宗翰景祖曾孫卽粘
沒喝大定中謚桓忠

神將追封儀同三司魏王幹帶世祖第三子天會十
五年謚定肅

都元帥遼王杲世祖第三子卽斜也大定十五年謚
智烈

元帥左都監魯王闕毋世祖第七子大定二年謚莊
襄

右丞相贈開府儀同三司太尉尚書令廣平郡王承
暉世祖曾孫貞祐三年謚忠肅

人師楚王謀良虎康宗長子又名宗雅大定二年追

謚威敏

趙王宗傑太宗子謚孝悼

贈太師宋王宗望太祖子卽幹離不大定三年謚桓
肅

太師領三省事都元帥濬王宗弼太祖子卽兀术大
定十五年謚忠烈

鎬王永忠世宗子以罪死泰和中追謚厲

越王永功世宗子興定中謚忠簡

豫王永成世宗子泰和四年謚忠獻

鄭王永蹈世宗子以罪死泰和中謚刺

鄆王琮顯宗子明昌中謚莊靖後改爲莊

瀛王瓌顯宗子明昌中謚文敬

瀛王琦顯宗子泰和中謚敦懿

溫王玠顯宗子明昌三年謚悼敏

皇太孫鏗宣宗孫謚冲懷

贈特進開哥宗室子不知世次大定十五年謚莊翼

金諸臣謚

知樞密院事贈開府儀同三司充國公劉彥宗宛平

八太宗天會中謚英敏

元帥金吾衛上將軍拔離速天會中謚敏定

猛安贈銀青光祿大夫麻吉皇統中謚毅敏

中書令贈金源郡王銀术可麻吉兄大定十五年謚

武襄

贈開府儀同三司金源郡王婁室完顏部人熙宗皇

統中謚莊義

京兆尹隨國公活女婁室子天會中謚貞濟

太傅領三省事贈太師晉國王撻不野遼陽人海陵

王元貞中謚傑忠

太師梁晉王徒單恭上京人海陵徒單后父元貞二年謚忠

特進韓國公斜卯阿里父渾怛穆宗時內附不知何所人海陵正隆中謚智敏

翰林侍讀學士贈特進濮國公虞仲文寧遠人正隆中謚文正

右丞相儀同三司吳國公蔡松年真定人正隆中謚文簡

副使舒國公高彪渤海人正隆中謚桓壯

左丞相兼都元帥侯散忠義上京人宣獻皇后兄海陵大定六年謚武莊

平章政事濟國公僕散揆忠義子泰和七年謚武肅大興尹榮國公赤盞輝張皇人大定中謚武康

尚書齊國公韓企元玉田人大定十五年謚簡懿

太師尚書令南陽郡王張浩渤海人本姓高末明王後大定中謚文康

宗知政事張汝霖浩子明昌元年謚文襄

劉撫懷孟贈特進習失完顏部人大定中謚威敏

右丞相金源郡王紇石烈志寧上京人大定中謚武定

右丞相金源郡王紇石烈良弼本名婁室回怕川人大定十五年謚誠敏後圖像衍慶宮更謚武定

太保廣平郡王李石遼陽人貞懿皇后弟大定十六年謚襄簡

右丞相石琚定州人大定中謚文獻

叅知政事尚書右丞董師中洺州人大定中謚文定

河中尹楊伯雄蒲城人大定中謚莊獻

禮部侍郎兼左補缺汾陽軍節度使許安仁交河人
大定中謚文簡

吏部尚書梁肅奉聖州人大定中謚正憲

刑部尚書陝西郡公李愈正平人大定中謚清獻

太師溫王徒單克寧萊州人大定末謚忠烈

尚書右丞移剌履遼東丹王七世孫明昌二年謚文
獻

翰林侍制贈翰林學士承旨溫迪罕締達女直人明

昌五年謚文成

詳穩贈開府儀同三司代國公歡魯完顏部人章宗明昌五年謚忠敏

左丞相兼侍中贈儀同三司金源郡王完顏希尹歡魯子大定十五年謚貞憲

太尉尚書左丞相兼太子太師完顏守道希尹孫明昌四年謚簡憲更謚簡靖

平章政事芮國公蒲察通中都路人明昌中謚成肅尚書右丞劉瑋咸平人明昌中謚安敏

參知政事程輝蔚州人章宗承安元年謚忠簡

禮部尚書兼翰林學士承旨李晏高平人承安二年
謚文簡

吏部侍郎山東按察使贈朝列大夫李仲畧晏子泰
和五年謚襄獻

乾州節度使贈侍中道國公康公弼應州人謚忠肅
此出尚古類氏編金史康元弼無謚

知河中府馬百祿三河人承安四年謚貞忠

平章政事英國公夾谷衡山東西路人承安中謚貞

獻

樞密副使胥持國繁峙人承安中謚通敏

工部侍郎安武軍節度使楊伯元尉氏人泰和三年謚達

叅知政事崇進金紫光祿大夫贈儀同三司壽國公張萬公東河人泰和七年謚文貞

臨潢尹贈太師廣平郡王徒單貞上京人章宗時謚莊簡

貞尚海陵妹與弒熙宗者以女爲章宗母故也

謚

大醫使贈資政大夫祁宰江淮人力諫海陵南伐被
殺太和中謚忠毅 章宗詔定功臣謚尚書省掾李
秉鈞上言事有宜緩而急若輕而重者名教是也伏
見故贈資政大夫祁宰忠言被誅慕義之士靈傷厥
心世宗贈之以官陛下錄用其子大惠也雖武王封
比干之墓孔子譽夷齊之仁何以異此徒以職非三
品不在議謚之例臣竊疑之若職至三品方謚當時
居高官食厚祿者不爲無人皆畏罪濫忍不伸一喙

畫一策以爲社稷計卒使立名死節之士願出醫卜
流亦可少愧矣臣以爲非常之人當以非常之禮待
乞詔特賜謚以旌其忠斯亦助名教之一端也制曰
可

翰林學士承旨党懷英馮翊人衛紹王大安三年謚
文獻

左丞相都元帥僕散端中都路人宣宗時謚忠正
御史中丞贈通奉大夫李英益都人宣宗時謚剛貞
東北路招討使兼德昌軍節度使完顏鉄哥速頻路

人貞祐中謚勇毅

宜差都提控孟奎貞祐初謚莊肅

戶部尚書張翰秀容人貞祐中謚達義

戶部尚書任天寵定陶人貞祐中謚純肅

太子太傅贈銀青榮祿大夫張行簡日照人貞祐中

謚文正

禮部尚書兼侍讀楊雲翼樂平人正大五年謚文獻

權陝西東路轉運使行六部尚書王擴永平人興定

中謚剛毅

泰安州刺史贈泰安軍節度使速嘉安禮大名路人
興定中謚堅貞

金紫光祿大夫元帥左都監紇石烈鶴壽河北西路
人興定五年謚勇果

孟州防禦使贈資德大夫定國軍節度使蒲察婁室
東北路人興定中謚襄勇

鳳翔府路兵馬都總管府判官贈輔國上將軍恒州
刺史馬慶祥其先西域人徙狄道元兵攻鳳翔率兵
殊死戰矢盡被執不屈而死謚忠閔

禮部尚書贈梁郡侯馬正卿慶祥子金末謚忠懿
叅知政事尼龐古鑑曷速館人謚文肅

定國軍節度使太孫太師同判大睦親院事定國公
徒單公弼河北東路人尚世宗女息國公主興定五
年謚愿恪

中都路轉運使王寂玉田人謚文肅

戶部尚書蕭貢咸陽人元光二年謚文簡

燕京留守儀同三司鄭國公蕭仲恭遼宣宗錫謚貞

簡

中都留守高霖東平人金末謚文簡

叅知政事右丞耶律履上京人謚文憲

觀州刺史贈崇義軍節度使高守約遼陽人金末謚忠敬

威勝軍節度使趙懋女直人金末謚忠愍

翰林修撰魏璠元世祖徵至和林卒謚靖肅

補缺李大節元世祖謚貞肅

劉豫偽謚

祖謚毅文皇帝號徽祖

父謚睿文皇帝號衍祖

元帝后謚

烈祖姓渥奇溫氏諱也速改謚神元

后月倫氏謚

宣懿

太祖名鉄木真烈祖長子謚法天啓運聖武皇帝

后弘吉剌氏謚光獻翼聖

太宗名窩闊太祖第二子謚英文皇帝

后乃馬真

氏謚昭慈

定宗名貴由太宗長子謚簡平皇帝

后海迷失氏

謚欽淑

憲宗名蒙哥睿宗拖雷長子謚桓肅皇帝 后弘吉

剌氏謚貞節

世祖名忽必烈睿宗第四子謚聖德神功文武皇帝

后弘吉剌氏謚昭睿順聖

成宗名鉄穆耳世祖孫裕宗真金第三子謚欽明廣

孝皇帝 后弘吉剌氏謚貞慈懿靜

武宗名海山順宗長子謚仁惠孝宣皇帝 后弘吉

剌氏謚宣慈惠聖 妃亦乞烈氏子明宗追謚仁獻

聖皇后 又妃唐兀氏子文宗追謚文獻昭聖皇
后

仁宗名愛育黎拔刀八達順宗次子謚聖文欽孝皇
帝 后弘吉刺氏謚莊懿慈聖 時翰林承旨賈元
用以累朝皇后既崩者猶以名稱而未有謚號乃上
言后爲天下母豈可直稱其名宜加徽號以彰懿德
從之

英宗名碩德八剌仁宗嫡子謚睿聖文孝皇帝 后
亦啓烈氏謚莊靜懿聖

泰定皇帝名也孫鉄木臺裕宗嫡孫顯宗長子與后
弘吉刺氏俱無謚

明宗名和世疎武宗長子謚翼獻景孝皇帝 后姓
無考謚貞裕徽聖

文宗名圖帖睦爾武宗次子謚聖明元孝皇帝 后
弘吉刺氏無謚

寧宗名懿憐真班明宗第二子謚冲聖嗣孝皇帝
后弘吉刺氏無謚

順帝名妥懽帖睦爾明宗長子殂于沙漠我

高皇帝以其知順天命謚曰順 后欽察氏無

元宗室尊帝后謚

睿宗名拖雷太祖之第四子憲宗與世祖之父早卒
謚景襄皇帝 后怯烈氏即憲宗世宗母謚顯懿莊
聖

裕宗名真金世祖之子成宗之父謚文惠明孝皇帝
后弘吉剌氏即成宗母謚徽仁裕聖

顯宗名甘麻剌裕宗之子泰定之父初謚獻武太子

後謚光聖仁孝皇帝 后弘吉刺氏卽泰定母謚宣懿淑聖

順宗名荅剌麻剌裕宗之子武宗仁宗之父謚昭聖衍孝皇帝 后弘吉刺氏卽武宗仁宗母英宗祖母謚昭獻元聖 元宗室惟北安王乃世祖第四子大德五年薨延祐七年賜謚昭定順帝時贈宗室忽都荅兒爲雲安王謚忠武羅羅歹爲保寧王謚昭勇又加荆王脫脫木兒元德上輔廣忠宣義正節振武佐運功臣之號餘未詳

謚法通考卷之十二終

謚法通考

卷之十二

氏